

密閉武志
卷一

寧武府志卷十二

藝文

明武宗西巡祭黃河文

於偏頭關渡河幸榆林

靈鍾 德功配坤元土地蒙灌溉之休物類借潤澤
之利故茲渡口惟爾司寄朕西巡狩適經此地泛泛
揚舟青龍駕翼招招舟子元旗導御往過來續神功
助濟備茲牲醴陰享朕祭

明世宗戶部分司寧武勅

勅戶部員外郎趙範今命爾前去寧武關駐劄總理三關糧儲收受各府州縣糧銀斟酌本折坐放各衛所司隊官軍俸糧草料及因時因地酌量主客兵馬糴買糧料草束支用所屬有司衛所官吏人等敢有不遵約束并豪強之家包攬作弊等項輕則徑自挈問重則奏聞處治仍將糴買過糧草收放過錢糧數目造冊候三年滿日奏繳及行布政司掌印管糧官嚴督府州縣掌印管糧官將節年拖欠應徵並見徵

寧武府志

卷十二

藝文

一一

宣大及該鎮本折稅糧馬草設法催徵定限完納如司府州縣掌印管糧等官怠緩過限不完每年終查照住俸降級事例定擬分數參奏處治催徵過錢糧按季報部歲終通將催完邊儲收過錢糧造冊奏繳清冊送部查考凡合行事宜有應與撫按官計議者須會同計處停當而行勅內該載未盡者悉照該部先後題准事理施行爾須持廉秉公正已率下務俾積弊肅清新政修舉庶副委任如或怠緩誤事責有所歸爾其欽承之故勅

金張守愚昌寧公塚廟記

天有五行水爲之本水之爲用大矣哉極天下之信
善利萬物而不窮苟失其信亦能爲害萬物至於懷
山襄陵下民昏墊當其爲害時聖王在上罔能俾又
故自五帝以來有水官掌治之少皞之裔孫昧爲
冥師冬冥乃所謂水官也而昧爲之長昧之子臺駘
臺駘能嗣其官業宣汾洮障大澤以處太原顓頊嘉
其功乃封之汾川厥後有沈姁蓐黃四國世守其祀
而不絕至春秋時晉主汾乃始滅之子產是以謂臺

駘汾神也良有以焉寧化縣郭西南二十餘里有定
河村村側有小邱左汾堦右谷口高且尋仞廣殆畝
餘上有叢祠古往流言謂爲臺駘墓主汾神土俗雖
承傳之久亦不知所以然又不喻建祠之由第以土
地神視之故其祠宇稔爲風雨所弊莫之省也今按
縣境處汾水上游實太原之域昔者臺駘能業其官
受封於此其生也既有功於此而死乃葬於此不其
然乎祭法曰法施於民以死勤事以勞定國能禦大
菑能捍大患有功烈於民者則祀之及夫日月星辰

山林川谷邱陵非此族也不在祀典若臺駘乃勤事
禦菑有功烈於民宜在祀典之族也禮山川之神水
旱厲疫之災則祭之說者謂祭其先世主山川之神
非獨祭山川之神也明昌五年州得汾陽人任從仕
爲判官任諱知微博聞之士也因悼彼俗顛蒙瀆神
之祀乃追討圖志以春秋傳考証之覈厥事迹知其
昭然不誣爲神之墓爲神之廟也乃與儒士史世雄
宋錢取舊圖經參校編次增補其闕具載茲事以示
郡人由是民得曉然知所敬在是乃相與修廣舊祠

闢其堂皇易庠爲崇延袤兩序增爲周廡敞其陽門
益之東西偏至於塗墍瓴甃繪飾之屬煥然一新仍
將任公所書故事封爵廟號榜於題額觀者莫不喜
悅然後衆乃環聚而言曰惟神之瑩兆廟貌旣在吾
里則神之靈尚安往哉且吾民之生咸賴汾水之利
並水涯而居未嘗有泛濫之厄得非神之力乎今祠
宇旣寧吾屬當以時敬祀之以報神庥於是以每歲
仲夏潔誠修祀具牢醴牲餼奠於堂上作樂舞戲伎
拜於堂下是日 邦遠近往觀者如市大爲聚樂以

中一方之遊觀也 承安以來仍歲遇旱
有禱必獲嘉澤從此邦人荷神之庇益深而敬祀之
心如神之在誠非佞矣若稽神之靈應在人者遠則
唐有令狐楚 兩文之碑次則石晉有昌寧公之封
近則宋有靈感元應公之贈宣濟廣惠之額今則
威素著定河之稱舊郡守賈公有禱雨獲應詩
証驗茲惟典故之實乃耳目所接可 役世者
之石以著鄉民 祠崇典之實庶使 無復有
謬如前日者云初郡民欲刻石久矣請 士大夫

寧武府志

卷十二

藝文

五

不果令又告之州帥田侯田侯 民之勤乃謙而不
有下諉庸 義弗免焉大梁張守 謹記

奉直大夫寧化州刺史兼知軍事提舉常平倉事
騎都尉京兆縣開國子食邑五 戶賜紫金魚袋

仲禮 儒林郎同知寧化州軍 提舉常平

事雲騎尉賜緋魚袋張守愚 判

州軍事兼提舉常平倉事雲騎 六

軍行寧化縣令兼管勾

七百戶

兼管勾常平倉事飛騎尉高昆玉 承信
化州軍轄權主簿兼管巡捕事雲騎尉馬紫玉 武
德將軍寧化州軍資兼理軍器庫監驍騎尉劉仲寬
書丹 味真道人鄭希中題額 金泰和八年九月
二十二日立 鄉貢進士充本州儒學學正宋錢校
勘 大梁張守愚謹記

魏志云按泰和八年金章宗之十九年也寧武一
郡金石之文最少惟偏關較多皆前明之物知院
魏公碑亦元末物郡城則明時碑亦鮮其存者半

皆砂石駁落今寧化此碑初抄於巡檢王奇龍多
疑誤次得之靜樂志間有異回最後得寧化侯
家順治十二年抄本參校其文如此故全錄其官
爵姓氏焉

臺駘塚廟太原汾州並有之其障汾洮初不在
此特里俗傳會耳守愚作碑殊失事實文亦無
可觀以其年歲頗古故與元尚思明魏知院碑
並存之

元尚思明知院魏公去思碑

至正二十四年春詔總戎平章擴公討孛羅帖木兒於大同誅其跋扈軍於冀方各道並進迺命河南省右丞魏賽因不花資政統兵攻取由汾隰北上經臨石拔興嵐定憲隩兵不留行五月克武州不戮一人秋毫無犯秋七月孛羅聞風怖駭舉兵突入京師皇太子撫軍於太原公移鎮於武之阨塞曰偏頭關以綴大同以擊東勝以招雲朔豐勝之人一方安堵明年春遣將往屯雲內令納王官撫士民具器械備糧

儲五月攻圍東勝其城瀕河堅險其師貞固倔強士飽糧饒猝未可下公親冒矢石鉤援臨衝輶輶距堙曲致方畧秋七月破其城降其帥下令勿殺居延大定窮逐孛羅於漠北拓地數千里是月孛羅伏誅儲皇還京總兵擴公入朝賞賚有加命爲太傅中書左丞相公進階榮祿大夫河南江北知樞密院事猗歟盛哉蓋負間世之奇才可以贊中興之大業建不世之殊勳可以受非常之褒賞者也公息州人探馬赤氏家世以貲雄鄉里自幼卓犖不羈善騎射有膽畧

嘗曰我長必爲公侯大丈夫當努力作大官焉能碌碌俯首州縣乎至正十一年紅巾陷郡邑卽起義兵剪捕以兵屬忠襄王王多其勇智俾帥衆討賊嘗單騎捕斬數十級裂眦一叱而辟易摧靡所向無敵城邑望風皆下積忠累勞遂定中原安天下而公之力居多其性剛嚴偏裨有過未嘗少貸而晏飲則樂易雍雍行軍與士卒共甘苦犯令雖近習必罰幕府賔僚皆碩儒能吏贊畫嘉猷所部將士皆奇才鷹揚奮擊而又招延隱逸日與諮詢購募賞賚千金不惜自

奉泊如也謀全業成戰勝攻取威敵弭亂勲名藉甚撫集朔之西徧給牛種不責其租惠此關鄉利澤川流大軍雲集而外戶不扃市貨和均耕穫食息咸得奠枕民皆父母而神明之蓋得乎豫之行師以順動師之容民以衆正是以民服而從之也有去後見思之忱耆宿段希賢薛居仁等以禮走衡門授簡於余懇辭不獲顧以齷齪曲士長育於國家菁莪之恩殆五十載於破斧缺斨時不能備戎行奮武烈第以飢餓之文敢揚摧其實蹟將爲棟柱交趾策功王之

張本若夫磨崖以頌中興之盛則有老於文學者在
銘曰聖皇御極海涵春育致泰亨屯萬方攸服姦臣
不軌構亂阻兵帝命擴相仗鉞北征赫赫魏公分軍
致討氣吐虹霓忠貫穹昊興嵐憲隩稽首來歸爰駐
武寧我民所依不吳不揚安爾畎畝尊若神明恩逾
父母耕穫菑畚室家安居無敢寇攘畏此簡書既定
居延受降可擊星火臨衝雷霆鋒鏑堅城旣破肆靖
朔方俘厥渠魁一夫不傷凶逆伏誅朔南克順儲皇
還京束裝入覲三宮交賀九廟復寧四海來王同我
太平公膺上樞天子錫命我民仰之手額相慶太山
蒼蒼河水洋洋勒銘貞石昭示不忘

處靖

御史

古邊將固封疆安黎庶未始不 乎其有備也傳
不備不虞不可以師又曰豫備不虞古之善政此
之所以不容不修築也光祿大夫上柱國左都督
李公謙奉命鎮守山右地方總制軍民而能以禮下
賢諮諏善道每歲冬躬率師 關戍守嘗歷山谿之
險曲致方畧知此爲襟喉西北之 則城池器械不
容無備具以是陳上可其奏於是展拓城南宣德已
酉之春興工是年冬十月告成關城東西踰百尋南

寧武府志

卷十二

藝文

十

北百有三尋週圍 其 口三百八十復恐守瞭
不至又於城三角築立大 三座 外城門甃以甃
石器械缺乏者責其完固士卒罷 者訓之精銳自
此軍政修舉而醜類 公以 業世家才資文
武永樂間荷蒙成祖文皇帝寵賚之盛嘗命掌左
掃蕩沙漠獻厥嘉猷至洪熙宣德間仁宗昭皇
宣宗章皇帝大賜賚正統紀元皇帝勅諭勞之曰
祇事我祖宗多 年所清勤公正 著才猷出守
非 裕而能若是乎先是壬子

甲寅屢出奇兵長驅塞外丙寅冬十一月西黃河寇入境先期選銳設伏於是寇不能支斬獲無算皇帝恩加崇獎榮受顯爵宜也若都司馬公貴多勇智善騎射所至輒克由功次亦進階都指揮其分守營堡者則又有都指揮冀公亮同心協力贊畫軍旅猗歟休哉夫所謂維藩維垣維屏維翰者公皆無媿矣故爲之記而復繫之以詩云皇明致治六合混一旣成武功大闡天德列聖相承善繼善述世底雍熙阜康民物賢哉李公忠貞密切出鎮邊疆千里寧謐展修寧武府志

卷十二

藝文

十一

城池撫馭士卒効力建功蒙恩增秩嘉謨洋洋英譽赫赫鐫石勒辭百世無斃

新置寧武關記

縣訓導

西瀕塞要害之關三鴈門偏頭及新置寧武是寧武舊名橐蓮臺地誌謂卽古寧武軍口今囚以名關與鴈門偏頭東西相顧聯絡數百里狀若鼎峙北控雲中南障太原旁援朔應忻崞岢嵐靜樂諸州縣雖山勢磅礴綿亘而原隰平行有道可通非若彼二關之峻險回阻也往歲北

輒徑此入我境內當事武臣常請設堡屯卒以謹防禦未果行近朝廷慮山西邊事頗殷命太監鄭同僉都御史李侃署都

寧武府志

卷十二

藝文

十二

督僉事王信鎮撫其地兼督諸關戎務三公旣至一心協慮加意綏輯兵民以和旣而躬歷邊陲釐剔廢弛至今置關之處周覽形勝僉曰此誠缺障也及今弗圖保無曩時之患乎遂議建城爲關選將提師與偏頭鴈門等又虞工役浩繁不免勞民併䟽區畫方畧以聞制曰可乃以成化丁亥三月始事伐石於山採木於林陶甃作冶而工徒則取兵民之當調戍者明年告成周圍四里許基五丈而廣半之高三丈有奇環爲睨而門其東西南三而前翼瓮城城之內

建守帥廳事藩臬行 走傳有驛糧儲有倉積芻
場棲卒有廬戰守之具畢備歲調卒爲二番兵丁總
四千人騎千有奇各以指揮以下分隸部伍而請專
勅都指揮同知田春領其事三公往來蒞督役方就
緒鄭公被召還京師王公移鎮於代而終董其成者
實惟李公三關之設旣等則候望益時巡徼益密保
障益固不惟將卒得據以制敵而旁州比縣昔嘗被
患者亦恃以無恐矣李公俾綬書其事以告來者
惟大易於萃以戒不虞而重門擊柝之制有取諸豫

蓋居安慮危思患豫防以爲銷萌禦暴計者雖在中
區甸服而城墉關隘之除修猶不容以少緩矧荒裔
要害之地乎苟徒恤一時之勞而不圖所以起廢補
罅固於無窮則雖良平之智賁育之勇曷足以勝將
來不測之變哉是役也勞一時而利久遠所謂以佚
道使民者也凡有事於斯者其尚求置關之意以善
體之哉

明寧化城隍廟記

失名

寧化古守禦千戶所隸山西都司也隋煬帝立汾陽宮避暑宋嘉祐六年立寧化縣隸嵐州金皇統元年立州事隸嵐州元至元三年省州事爲寧化巡檢司隸管 洪武二年亦立巡檢司山西都指揮常守道領軍來鎮將寧化城改建洪武五年千戶唐成繼工修築城樓完備洪武十一年革去巡檢爲寧化守禦千戶所而隸山西都司由是城已定矣城隍廟建焉 治十七年閏四月日立

明李攀龍新設寧武兵備道題名記

陝西提學道

山西三關先是蓋止鴈門一兵備岢嵐兵備寔協理之其於防秋尋加守巡冀寧二道嘉靖三十三年復以清軍屯田驛傳若守巡冀南河東諸道迭出而分區監督焉三十七年改鴈門爲鴈平岢嵐爲偏寧其五道監督如故明年仍以偏寧爲岢嵐兵備以偏老岢嵐河曲四守備西路參將老營游擊地方兵馬屬之鴈平兵備仍駐代州以廣武北樓平刑三守備東路北樓太原參將地方兵馬屬之其八角利民神池

寧武府志

卷十二

藝文

十五

寧武四守備中路參將地方兵馬則以設今道云從御史楊公美益之請也惟是三關與大同相爲表裏右衛水口等處直虜南窺朔應諸州之道其於要害視三關有輔車之義卽虜一道出沒我得以所直道兵馬掌距踵襲而自相爲應何慮不及三關延袤乃至八百餘里而虜得以探疏數爲堅瑕揣薄厚爲虛實時分時合雖漢兵如雷風安能八百里趣利也惟是席國家廣大守在大同云爾曩時則鴈門一道岢嵐一道協理之足矣然猶恃籬籬以撤闕不知中

疆者外益固之爲謀周也亡何以二道爲不

守巡冀寧二道爲四道復以四道爲不足加之清軍屯田驛傳若冀南河東諸道爲七道三關凡八百里而七道以臨之卽有五參將一游擊十一守備亦惟鴈門岢嵐二道相信而服習五道者非常所屬卒然不相爲用十羊九筮猶之愈數而愈疏清軍屯田驛傳曠所司存冀南河東棄所分署是盡山西而事三關委境內而勤一圉猶之愈實而愈虛不知疏數以形明虛實以制槩也注鴈門以鴈平注岢嵐以偏寧

似矣不知十一守備分地如石畫相交尺寸獨以八守備隸偏寧一道亡論石隰諸州防河之役行兼坐累有妨簡書卽虜一出套而亭障積阻烽火復游已難爲卒又况仍以五道便宜掣肘糜費無益豈所謂明形而槩制乎時已權生變已常存寧武之介於鴈門岢嵐之間亦猶鴈門岢嵐之左右於寧武疆場之政雖力有餘不備非其域雖勢有餘不守非其約非其域不闌出徼功非其約不聲援爲德譬耳目之視聽不相假偕然後可以著官政之良而稱同心

使朝廷得以責所不備按所不守以其所守捷無倖
賞挫無佚罰三關猶一體也省冀寧若清軍者七道
而爲三以重司存養內治境內不疲於奔命三分其
八百里而勞逸均各可以朝檄而暮集而齊一其指
使凡五決策以設寧武道而議始成夫右衛水口爲
虜必窺之道卽中路參將直之與大同兩掖犄角相
逐銜尾相隨厚集其氣是顧是隈者非寧武乎與偏
頭鴈門翼擊而夾攻爲常山蛇勢者非寧武乎明形
槩制以回視聽新旗鼓出繕入計爲邊長老貽數百

年之利身自作始者非寧武乎形不自勝制不自舉
沈公所謂非人哉首至者未幾論罷繼至者尋以遷
行沈公明形槩制三年於此矣乃少司馬萬公某獨
以少方伯奏留之豈不曰分地不量形與無地同量
形不善制與無形同善制不得人與無制同得人不
久任與無人同是二公者先後奏請蓋相足焉可謂
同心謀國重惟沈公之賢適與設會也因具列之使
後之君子得以觀寧武道繇立者蓋以其人如此云

明劉涇寧武關修學碑記

巡冀南

太祖高皇帝龍興淮右混一區宇當其伐罪弔民馳驅戎馬雖重武功卽尚文德每延天下老成宿儒班侍左右陳說古今治亂得失一時如宋濂劉基章溢葉琛陶安諸公其尤著也嗣是海內旣平廣召耆碩命爲天下學官隆禮優厚於是天下之大益蒸蒸向學焉成祖文皇帝肅清沙漠邊塞寧謐迨我仁宗昭皇帝宣宗章皇帝勲華繼美教化翔洽而英宗睿皇帝御極之初善繼善述益思敦崇儒術是以於宣德

寧武府志

卷十二

藝文

十八

十年冬十月猶在諒闇卽於辛亥詔天下衛所皆立學宮正統六年十一月下定都北京之命文武諸司不稱行在沿邊諸鎮切近甸服欣欣然以覲日月之光爲幸先是偏頭關於我孝宗敬皇帝 治二年從巡撫都御史左公鈺之請學校始立惟茲寧武雖於成化二年建關設守山川環列兵農錯居商旅雲集儼然大都會而兵事倥偬未有學宮士民跂足而相望者久矣嘉靖戊子守備譚鉉請於巡撫都御史江公潮奏建 學得視諸衛迄歲庚寅落成規制大備

是歲頒學印除掌印訓導一員辛卯督學御史陳講
試生儒立等第定貢額癸丑巡撫王公崇設餼銀丙
辰總兵韓承慶增置書籍丁巳總兵張承勳始鑿泮
池辛酉壬戌兵備僉事殷仁嘉沈紹德繼至見其漸
圯而重修總兵佟登復繼之且增造祭爵六十祭器
二百皆以青金燭檠屏壁之屬諸未具者悉美且備
由是學宮俎豆小大維新卽荷戟廝養之士皆蒸蒸
然文化矣今年涇監督八角利民以防秋至而訓導
王際雲請記於余涇竊維邊境以武事爲急文學若

在所緩而諸公汲汲於興學育材者何也粵考古昔
出師受成於學凱還獻馘於泮蓋學校爲禮義相先
之地禮義明而誓師告成文德武功一以貫之孟子
言修孝弟忠信以事父兄長上卽可制梃以撻秦楚
故夫文德修而外夷又焉足患哉是舉也總督軍門
兵部尚書江公東提督雁門等關都御史楊公宗氣
耀武綏文實聞厥美巡按御史王公好問提學副使
周公斯盛造士飭紀敬敷厥教尤師生之感誦弗諼
者也因得備書

明梁林改建旗纛廟記

國子學生

旗纛神廟有兵之責者之所必建也粵稽我太祖高皇帝掃清朔漠削平僭亂聿神之指揮奮揚其功爲多由是海內既定冊封旗纛曰軍牙六纛頒在祀典命諸鎮建廟以時祀焉寧武創立之始守備統兵建廟於關城之頭百戶街嘉靖十九年庚子敵勢猖獗偏頭副將主兵力不能支議者謂寧武乃適中地非總兵鮮節制之權上之天子二十一年制改副將充總兵官建牙寧武節制諸路由是廟之裡祀總兵主

寧武府志

卷十二

藝文

二十

之矣第廟久傾圯狼籍不可以崇祀典也癸酉夏上谷劉公國來鎮茲土遂改建今廟焉捐貲於已取木於山命匠於營董役於官不費庫財不擾民力廟貌隆而制度密地形高濶煥然改觀而屬序於子竊謂國家以兵爲衛而兵必有神以陰主之劉公改建廟貌非作淫祠以瀆鬼神也神無形聲旌旗鮮整鎧冑輝煌刀盾便利弓弩健勁卽神之靈也若舍此求之於幻妄不經之說於兵事漫不加意而謂神其庇我焉吁亦誤矣是以師貞之吉惟在丈人蓋將惟其人

而後神協其謀則更有不戰屈人而無敵於天下者
矣劉公是舉豈曰小補之哉

明傅德新寧武糧廳題名碑

國子祭酒

州郡置倅蓋倣古監郡之職入則貳政出則按縣一方利病全藉議論厥任顧不鉅哉寧武故無倅署先是平陽民壯廳每歲秋率作有衆從事於邊戍事竣則返後天子從大中丞之請改駐中路職專糧餉更建中盈庫萬億倉列銜太原而俸薪仍取給平陽丁酉關中寧寰陳公忽遣一介謂不佞曰惟敝署歷年三十餘尚無碑文以識之懼賢者之名湮沒無稱而不肖之徒得有所逃以爲不義其若誨誠何惟子圖

寧武府志

卷十二

藝文

二十一

之余惟寧武北扼雲中東聯恒嶽西接岢嵐與偏頭雁門二關犄角相逐銜尾相隨爲常山蛇勢蓋全晉之北戶重兵頓宿轉輸供億余嘗按籍稽之正兵營官軍五千五百九十餘員名守備營官軍七百一十五員名中盈萬億積貯主客糧餉銀八千九百兩有奇糧料一萬三千七百石有奇草八萬六千束有奇調停其盈縮而均節出納壹仰稟於倅則倅之任以眎諸腹裏不尤重哉夫然則我朝定制往來防秋及諸臣所建議列銜太原而給俸於平陽者夫固謂文

移之相習聲勢之相聞而 急胷背之足相任相
也不然夫豈不知往來之 煩而以勤諸執事也則
爲是倅者亦艱乎其負矣 情重內輕外率以銅墨
爲卑錢穀甲兵爲俗若夫 志之士則處盤錯而器
愈利批卻窾而鏑不傷唐 劉晏每歲運米數千萬
石以給關中所在軍興倚辦不匱唐室之 濟艱難
晏有力焉何言卑俗也吾觀倅之能是職者蓋有六
善員而弗頗廉而弗劇洞而弗祈 而弗滯柔而弗
弛毅而弗苛大勳隆碣之 過者聞風景以爲準而
寧武府志

卷十二

藝文

二十二

不然者冒於貨 於計畏 以絀禁尸素以偷時豈
惟非居官之善物而於朝家立法建制之初意亦大
相倍負其何名之與有 君子於茲兩途宜何去何
從也用是考諸故府乃得究其前後履歷列名鐫諸
石自孔君庭詔迄陳君邦政凡若干人陳君廉幹精
敏落落有端貳之材異時所就未可涯量余所謂有
志之士流風不朽其在 人與其在斯人與故承命
而爲之記且以告夫倅之嗣臨於茲者焉

明高文薦老營堡新學碑

巡撫都御史

老營舊無學莊皇帝六年 史大夫楊公綵侍御史
桂公天祥始請建學置博 弟子員報可於是乃議
勅舉如制迄今而學始成余與巡 黃公應坤請
請印諸凡章章有緒矣二三大夫謂不佞當有言
廣厲學官弟子余惟古昔帝王建學立教之義與
歷代所繇沿革人人共覩記姑無論已惟是國家
故高皇帝以六師取天下征伐四出庶務猶未 及
輒首建辟雍者何謂中原首善之地暨彼鄒

寧武府志

卷十二

藝文

二十四

與與盛也卽如邊鄙要害 郡良家子罔不借博士
得誦法孔子而爲之徒共措意豈不閎遠深厚哉
蓋學校之制凡以明倫則 君親上其大者士之挾
筴而讀也豈是從容俎豆 頰大呼固斌斌乎其文
矣籍第令 暮稱警又將出所醞藉而請長纓彼其
壯帷幄之謀決忠孝之命寧渠被練組甲之所能
也且今之邊地倏悍而喜 民輕生敢死猶有燕趙
之 焉川之以援桴鼓控 負蒯緌視中原之夫
勝萬一不逞卽犯順而起 哉學校 以

而消悍戾之氣者也高皇帝之慮遠矣夫城堡以備敵學校以聚生徒鈞兩大計而計之學校爲重詩有之懷德維寧宗子維城所謂因人而固者非耶而被練組甲之夫方荷戈鋌沾沾自喜曰我數被匈奴卽固壘深溝且不給視學校之設不啻風馬牛不相及而士亦提提自讓直若越俎豆而代庖丁嗟乎是豈明於軍國之大計者哉余惟秦恃其長城之固却匈奴七百里至彊盛矣第以焚書坑儒不欲誦法孔子以揭竿斬木之徒一呼而關門不守則教化不興

之效居然可睹假令學校之設於城堡無能爲有無秦城豈不甚固哉是故一剛一柔者天地之經也經文緯武者帝王之畧也有味乎其言之耶老營隸岢嵐故晉重地先是敵闌入卽我良子弟莫不終歲苦兵登陴狙伏願少緩須臾無虞何暇論議聲明文物乎乃今敵服習聖化納欵爲臣士得脫行陣廩俎豆而談詩書豈不眞厚幸哉卽由是藉上寵靈神武敵終內附爾文學官弟子奉功令惟謹直與鄒魯之士絜長度大固不得以邊鄙少之脫令敵心叵測亦

闌入如鄉時卽投筆而起爲朝廷十城令被練組甲
之夫無繇藉口而間執拘攣之說斯不負國家興學
之意也已晉文公之謀帥也趙衰曰卻縠可說詩書
而敦禮樂詩書政之府也禮樂德之則也晉之文足
徵焉乃若豪杰之士慨然誦法孔子必將曰仲尼之
徒無道晉文之事者誠衰然王佐才哉而不佞猶一
隅之見也已茲舉也經始於先者前兵備參政蕭君
大亨適觀厥成者今兵備參政王君璿而終始其事
則副總兵趙崇璧也法得並書

明魏光緒陽方口新修敵樓記

巡按御史

禦戎之道不恃其不來恃其來而吾有以禦之則豫之道勝耳自市賞法行駸駸有銷鋒鑄鏐之意崇墉古堞漸夷而秦莽邱墟虜一日不來姑相與偷一日之安曰是區區犬馬畜者而以煩張皇爲也鴟鴞不蜂蠆有毒東西酋之事不旣潰癰而諸塞下引弓貫耳之民狺狺觀釁已非一日履霜堅冰寧能不早爲之所乎惟茲寧武實爲三晉門戶而陽方口一帶又爲寧武門戶往歲虜騎闌入率從茲口其地形平行

寧武府志

卷十二

藝文

二十七

靡可束戎馬毀垣數里嚙觸於靈潦積漲之餘者亦復無幾脫小有警不開門而揖盜耶大叅同州王公兵備茲土慨然有興舉之志於是下令鳩工大興畚築於本堡九龍口剏建敵樓者二其旁更建磚樓數座岳屹雲聯雙聳互峙無事則畫境而守有警則扼吭而拒形勢旣壯虜當嚙指而吾因得以其餘力簡乘蒐卒儲糧治具徐爲綢繆審固之計卽不逞生心正如觸罾之魚入籠之鳥就而殲之易易也易曰王公設險以守其國詩云城彼朔方獫狁於襄其意大

都若此王公經國之遠猷壯志此其大畧矣子故詮
次其事以垂不朽云

寧武府志

卷十二

藝文

二十八

明張嘉績西路廳題名碑

太原府同知

萬歷丙申秋西糧廳題名石成或問曰名與實孰急
曰實急實急何以題名爲曰名所以紀實也亦所以
勸實也糧廳司錢穀佐行邊憲使詰戎兵籌疆場課
將吏幽明而閭閻曲直人文盛衰惟其所折服倡導
三關共之致左賢稽顙獻琛劑量操縱金繒戎騎低
昂聚散騏驥牧之成雲錦駑駘粥之充帑藏相順逆
於幾微而默運其用則西路所獨劇而名匪易建矣
才守政務表表空羣及庸庸竊升斗於旦夕其名品

寧武府志

卷十二

藝文

二十九

自辨無容緩頰維時號稱賢雋習矣不察者畧名其
概師心自用曰亂博諷寡斷曰雜柄落煬竈曰閤閉
賢自患曰妬市恩避怨曰奸鉤伏煨煉曰苛因陋就
簡曰弛行濁言清曰狡暮衰晝驕曰盜黨同伐異曰
偏好大喜功曰夸詩酒放達曰狂口蜜腹劍曰險逢
迎賈寵曰媚輕諾寡信曰欺忿戾不可近日暴矯情
不可方物曰詐之名也當局者不自知其名而旁觀
者能名之同時者溺愛憎而不肯名怵勢利而不敢
名法後能名之當言者覩斯石而歷指其人賢不肖

如辨蒼素皮躬自考寧不惕然懼懼則省省則改是
紀實亦所以勸實矣徒名之急也乎哉或人唯唯謝
曰是足以風矣請題名

明高自治新修五寨甌城碑

安塞知縣

山西三關偏老最稱要害乃鎮西以孤城北隣偏老東連雲朔西接河湟南爲全晉障蔽重地也往北敵蹂躪三陲蕭然苦兵於是衆建城堡爲收保計鎮西故隸五所城五寨所蓋始於嘉靖十八年云五寨距衛僅百里一時草創甌砌未遑隆慶朝俺答欵塞歸命請爲外藩歲入貢市罷烽燧之驚亦旣數載矣頃用言官議徹桑土戒衣袷圖爲久安長治之策大修邊備繕飭塞垣六鰲壁仞萬雉雲連綿亘數千里若

寧武府志

卷十二

藝文

三十一

近塞城堡欲及閒暇時一勞而貽之永逸於是前巡撫御史中丞高公今巡撫宣府前省叅蕭公咸謂五寨逼近邊垣爲鎮西襟喉顧卑薄不任保障非計也乃議甃城以甌總督大司馬鄭公議亦與合而在事諸公皆能恢張聖化綏惠邊氓振策攄猷營度版鍤陶甃兢克畚揭就役爲垣延袤四里爲臺一十二座樓櫓相望屹然金湯防固之繁非昔日也城成孫君請不佞記之切惟古昔稱極治至安上代無論矣當成周時重驛獻琛之使肩踵道路乃君若臣猶旦暮

兢兢不少休廢坐是郅隆太和則豫之道勝也方今
聖天子履昌纂泰威德旁馳文軌四通炎荒贄獻卽
悍如北敵猶臣貢維謹休期昌會固千載一時也乃
又以八事課邊吏綢繆警戒不徐徐焉進於豫矣以
故環疆而受事者仰承德意殫矢心力諸所振起靡
不備具卽如五寨最爲僻隘而垣塞雉堞亦有金墉
石壁之險故王公設險以守其國茲城守不可謂不
具也况督屯廣儲室盈倉溢日犒月餉士飽馬騰而
又鮮什器申軍法簡技程能策駕勇敢將卒一心可

謂食足而兵強矣則子輿氏所稱地利人和且兩得
之夷酋固萬億載奉貢無斃卽一旦寒盟吾固可以
創之而不爲害豈直邊備計所以衍國家有道之長
者端不出此而成周郅隆之理固將超而上之也城
父老曰往苦兵役焉命在須臾乃今崇城而居無
復北顧慮易金戈而禮樂不意太平淳和之化於逃
壤荒陬見之則首事者之伐當與此城俱存不佞聞
之輒然曰是所謂百世之德億萬人之所懷者也並
附諸石以志永久云

國朝劉玉瓚周將軍墓表

太原府中路
管糧同知

明崇正十有七年二月辛巳賊破寧武關特進光祿大夫柱國太子太保鎮守山西提督雁門等關總兵官左都督周公死之

大清受命十有五年余叨塵郡丞來守茲土過公之墓而拜焉問公遺事而故老猶有能言之者嗚呼公之鎮寧武也賊畏公遣公舅氏持書延公公命騎將迎斬於元崗梟別將熊通之爲賊間者及賊以二十萬眾攻圍也公日夜指揮炮銃之下賊梯而上奪其

寧武府志

卷十二

藝文

三十三

梯穴地墜下燒其穴挽強縱礮囊土補缺城屢崩而復完及東門之陷也率衆從城頭反擊賊於城內死亡山積力不支被執語賊以誓守殺賊皆吾將令無與於民賊歆以官爵脇以刃罵不絕口及公之死也部下崔雲楊鼎勲楊鼎樞皆大呼戰於市力竭乃死夫人劉氏飲血誓死率僕婢禦於門垣墉戶牖賊屍相枕藉矢盡乃赴火死嗚呼臣死忠妻死義部將廝養不待教戒咸知所奮豈其命於天者厚與抑盡我心而命乃全歸也先是公援勦河南破李自成於

山斬首八百敗張獻忠於光山俘獲千餘招降安
王整世王萬有餘衆戰於生鐵舖戰於固始戰於歸
德斬首二千二百有七援山東戰於壽張又追擊於
東平生擒賊首朱連李青山獻俘闕下以故賊憚公
賊旣出潼關破太原過代亟以書來公斬使誓師旣
被執自成立起禮公公罵賊不屈乃遇害公雖武人
雅知書料敵應變燭照數計撫士卒能得其死力爲
人內剛外和卽之温温而叩之凜不可犯義勇忠信
其天性也致命時年四十有四諱遇吉遼東錦州衛
寧武府志

卷十二

藝文

三十四

人死後四日乙酉標下材官侯効義等殮公面目如
生八月甲申葬於東門之外嗚呼庇其封樹修其祀
事崇先烈以風來者是余有司之職也乃爲書而表
之

國朝李文煥又重建呂祖閣碑記

太原同知

寧武古樓煩地處晉北鄙雁門偏老諸砦界兩麓間
紫塞蜿蜒金湯鞏固爲山右肩臂自明季甲申罹兵
燹殘躡城郭荒涼廬舍凋敝卽樓觀寺宇亦化爲禾
黍荆棘邱墟隴畝矣余督餉茲關甫下車他務未遑
亟以生聚教養爲務卽有事於修舉廢陞而以重勞
民力故勿急也越明年政事漸理百廢稍興一日率
諸父老月吉懸書偶陟南山之巔其孤峯峭立巉巖
危聳石磴紆曲而盤旋河流潺湲而環抱登高瞻眺

寧武府志

卷十二

藝文

三十五

得異境焉徘徊猗嗟邑薦紳先生任君告子曰先是
觀察使龍公曾創 呂僊關於斯歲久廢弛雖瓦礫
弗存而基址猶在尋得殘碣於荒煙蔓草之中余慨
然曰有是哉前人之勑立斯閣也蓋得地氣之先第
無如墜圯何隨商於協鎮周大將軍維公實獲我心
首肯余言余爲籍爽塏之負輯厥麗之因迺傾囊中
俸百緡捐之其有不貲仍勸共輸以襄義舉一時僚
屬紳衿下暨師旅耆庶莫不欣然樂從爰是鳩工庀
材揀之度之乎來趨事朱幾一載而告成功罔不

備而祠突然而閣巋然合圍環柳而蓊蓊葱葱然斯亦邊徼之大觀也是故山既深秀閣亦峩嶸擇於主僧附之以地則又歲時伏臘而盼蠻無間也是可以立石矣

國朝郎瀚新建寧武府治碑記

寧武知府

寧武古樓煩地南接晉陽上黨北控雲中朔寧羣山
環峙勢若星拱明制寧武關設監司總戎彈壓其間
後爲流寇蹂躪致遭塗炭逮我朝定鼎以來四海
晏安民氣漸復生齒日繁轂擊肩摩商賈鱗集已爲
盛世之樂國非復疇昔之荒壤矣加以仁風惠露披
拂霑濡養育薰陶淪肌浹髓時雍於變之化復見於
今顧寧地界連邊徼實爲西陲要區當事者請改設
爲郡分轄四縣歲在丙午余任楚黃府副適有解餉

寧武府志

卷十二

藝文

四十一

之役入京奏對之次蒙恩特授寧武郡守余撫膺
自問以新設之府爲首任之官大懼蚩負不能勝任
茲蒙發帑建立府治卽於兵備道舊趾爲郡署依山
之麓審曲面勢選料庀工梓人度材衆工執技若堂
若庭若門若廡形如列眉曲盡其制閎敞高峻煥然
改觀外之垣墉周匝無少罅隙內之塗墍丹雘無少
樸陋蓋傑然稱全構焉其經營圖度余於此亦頗費
心力矣而余因之有感焉凡居斯位者必思有以稱
斯職則試登高而遐矚見夫閭閻撲地烟火萬家其

何以保護而安全之農人胼胝紅女勤劬其何以拊
循而噢咻之執策橫經夏弦春誦其何以造就而裁
成之牽車服賈列肆持籌其何以體恤而懷柔之使
居斯位而曠斯職有不仰屋而懷慚猶侈然曰四邑
之表率也哉是役也經始於雍正戊申之暮春越七
閱月而落成其有事茲土勤宣勞績者前寧武令今
授鹽捕司馬董泗儒偏關令江楊瑁經歷官謝廷恕
寧武縣尉王 遠利民倉大使簡佐才署萬億倉事
寧化倉副使劉繼元例得備書

國朝魏元樞望華樓記

寧武知府

寧武郡地春秋以前爲樓煩秦漢接匈奴南境嗣是而鮮卑拓拔突厥奚契丹迭相攻奪以躡此土故自戰國以還皆北守鴈門爲扼塞李唐之興揚威朔漠疆土日闢所置定襄道總管及朔州刺史皆居塞外其後張仁愿築三受降城今之歸化城迤西皆東受降城地也而亦必以鴈門爲內障焉宋平北漢界盡鴈門迤西而南又折而西北至寧化岢嵐達於河沿山置障塞而管涔一山與遼人互爭南北境攷遼史

寧武府志

卷十二

藝文

四十二

今朔州西南八十里有寧遠縣殆卽今之郡地也前明輯三關圖說者不察其源流以唐之武寧軍爲今寧武其亦誤矣永樂初旣失東勝山西之守偏寧益重雲應寰朔特居外郭以捍敵衝正德嘉靖以來套部屢犯三關而小王子由寧武南下肆掠逾太原於時巡視三邊及提攜兵柄者由雁門東至平刑西至岢嵐聯絡險阻築塞八九百里而寧武於成化元年已築子城 治十一年再加展擴其周七里餘正德甲戌再建寧文之堡於西山萬 初城甃甃石其崇

四十二尺復建東西二堡三十有四年亦並甃以甃石堡之東門額曰久安志其盛也夫以寧武迭加修築屹爲巨鎮高城深池甲於西北每歲防秋巡撫之節移自太原與偏雁爲聲勢文武員弁小大林立帶甲荷戈之士數萬衆關南兵精歲輸寧武者不下十餘萬斛而八角利民神池五寨三岔樓溝老營水泉皆宿重兵其他支堡各有屯戍歲糜糧餉且鉅億計其後移偏關大將來鎮節制三關巡撫之防秋者不至後值北夷欵塞而民氣稍蘇蓋百姓之疲於奔命

者久矣我 國朝定鼎休養生息太平百年教澤洋溢古之不列荒服重譯而貢者今皆備位王官四十九族部落稽顙而朝瀚海之北關地萬里幕南王庭悉若郡縣今之寧武居然千里甸服也雍正三年改設府治乾隆三年戊午秋元樞自西曹郎來守此土感伊古之紛紜樂清時之休豫每思所以經理而漸摩之間於暇日升高望遠見東關外城實爲雲朔西來第一門戶而太平旣久睥睨樓櫓日就傾頹於是俸錢五十餘緡葺理其十之七四巴長吏亦

之 魏 逾月而工畢當其

治時見梁柱斗拱間砲銃之迹鱗比矢鏃鐵彈入木者幾不可掘拔土中掘廢火藥瓶二炸炮三嗟夫前明戎馬生郊殆無虛日繼以流寇肆毒迄於城亡而明之國運亦由此訖意前明官斯土者必岌岌有不終日之憂求如今之同寅狎友極目登臨以詠以觴優游坐嘯胡可易得是前人偏處其難而後人適當其易繫僅氣數適然實由 國家之文德武功直邁漢唐是以遠至邇安而烽火無驚夜扉不閉故不敏如樞者亦得委佩垂紳安坐而官此土也斯樓旣成顏曰望華以誌一日而不敢忘朝廷於其落成酌酒凭欄慨然興感而爲之記

景柱周忠武公廟碑 寧武知府

社 矣將軍之死孰祀之寧武人與官其地者感
將軍之壯且烈相與廟食至乎永久而春秋之饗
愈盛子以是歎夫忠義之節奮乎當時足以激頑懦
風後世而爲人心之所同也將軍事具明史人能言
之然自明甲申至今已百有餘年矣談其事者往往
至於變色嗟咨激昂而憤勵雖天下莫不慨然況在
寧武爲所憑城拒賊守死之地乎方明末時李自成
蹂秦晉文武將吏多爲國殉其著節最顯且烈則無
寧武府志

卷十二

藝文

四十六

若陝之榆林與山西寧武榆林大帥尤世威旣抗賊
死無一人降者顧談榆林者忼慨太息氣動志切或
勿若寧武何哉則以將軍之於明存亡有所繫也當
自成破太原鴈門欲由大同乘勝以窺京師然而未
敢徑前特畏將軍忠勇必以兵牽躡其後耳至寧武
下將軍死退無所忌遂得鼓行而東而京師不能守
矣昔安祿山反以兵攻睢陽張巡死焉論者謂巡雖
不能完城卒爲賊屠然賊大勢爲巡所引掣未盡以
其衆遽殄長安天子得從容幸蜀而再 以

軍觀之忠與巡同卒不能牽賊毋使速亡明嗚呼
天爲之者哉將軍旣死自成歎謂其屬使守將盡如
是吾安得至此是將軍之忠雖寇讐盜賊且猶服焉
則廟乎是而山川共其久長風霜紀其飈烈豈不宜
哉初廟雖立猶未列祀典乾隆十年震澤錢君之青
令寧武始告上官請諸朝令有司歲祭如禮十三
年冬子來爲守謁將軍廟見東西壁畫當時與賊戰
守及死節狀拜奠加肅退爲之碑刻石置廟中銘曰
將軍桓桓奮鉞受振致其果毅誓揃兇蠢窮奇滔惡
噬有餘憤遂縱關門勢若霆礮力盡援絕心壯首隕
焚墟旣蕪作廟及寢碣石幽陵勁氣凝凜千載不虧
壯我塞畛

國朝施作楫鶴鳴書院記

寧武縣令

古者造士自辟雍類宮以至術序黨庠家塾請業請益有其人藏修游息有其地士之志於學者相觀而善相說以解遜志時敏以專其力法至善也故漢立三雍郡置文學椽唐興七學庠立孝經師有廣文之名有四門之選元和閒衡州人李寬創書院於石鼓山學者宗焉自是別爲肄業之所至宋則於州軍縣學之外兼設嵩陽嶽麓白鹿應天四大書院立山長以教授元明因之歷朝理學名儒並諸先達由此成

寧武府志

卷十二

藝文

四十八

就者指不勝屈寧武爲晉之北陲三關聯峙疊嶂層巒古稱險要雖武功赫濯而亦代有彬雅知名之士聖朝中外一家覃敷教化乾隆三年戊午秋會郡守魏公以西曹來視府事下車不數旬樂其民氣淳朴政事不繁公餘之暇卽雅意作人拈題檄課分校羣材行帷所至兼進諸生而訓迪之又恐有其舉之久而廢也並詳明設立書院延聘山長以爲人文會萃之所己未夏四月度地於城之中央四畝許爽塏而市囂無擾挹羣山之秀攬雉堞之雄亦可清人之

志氣而發人之文思矣於是首捐俸錢以爲經始余亦隨諸寅長後共勦盛舉甫鳩工庀材卽子來而集事通院四進廂房列其左右共得三十二楹自測景樹基以及楣椳楔枋栴栴宋廡無不躬親指授兩月而工竣費鏹十五鎰迺顏其門曰鶴鳴書院倣白鹿鵝湖之義也考寧武郡治翼以左右郭古名鳳城鶴與鳳爲同侶昔唐鳳閣侍郎杜景佺文章知識時號鶴鳴雞樹易之中孚云鳴鶴在陰其子和之我有好爵與爾縻之公心之所期於士者意在斯與又題其

堂曰修道士居四民之首能修身以道則明體達用密其功於格物致知而極其效於化民成俗豈徒工帖括爲獵取功名之具哉然而文章經濟原非兩途天爵修而人爵從理固然矣宋初建太學有十齋一名貫道惟踐其修之之實乃能一以貫之君子深造自得之功率由於此凡我四屬之士慎勿以邊隅固陋自安于于而來入是門登是堂藏修游息於其舍敬業樂羣尊師取友將見道明德立處則爲經明行修之彥出則爲通方致遠之材克副我郡憲廣廈求

賢樂育苦心是所企予以望者也余叨首邑晨夕奉
教不敢爲溢美之辭謹記顛末以示來者使有所考
焉維時董其役者則有參曹餘姚謝廷恕己人縣尉
吳縣鄒濟用楫例得並書

國朝錢之青忠武周公崇祀記

寧武知縣

古聖王特隆祭法以崇德報功而以死勤事者得與焉不可易也明莊烈帝時闖賊肆逆周公以寧武總兵官據三關要害屢撼賊鋒卒以糧盡援絕獨力不支遂偕夫人劉闔門殉節一時激於公義者率相從殺賊矢死靡他而文獻無徵姓字湮沒其遊擊崔雲王前士日品貴王尚慎張大選高日光暨生員楊鼎勳楊鼎樞幕友賈三光等九人固大彰明可考傳聞標將某得公遺骨於殘燼葬城東門外弘光南渡詔

寧武府志

卷十二

藝文

五十一

錄死事諸臣贈公太保諡忠武今讀史傳公之炳耀與日月爭光余於乾隆壬戌九月蒞茲土謁公祠閱總戎黃公碑記知爲軍民慕公之深肖像以致景仰之地者夫有專祠則必有專祀公身蒙賊難備嘗人世未有之奇毒而矢志不移乃百年以來未列祀典士民歲時私享簡畧無文僅同野祭斯亦官守之責也維時郡守豐潤魏公尚節義而切表揚已自戊午年據前任施令轉請臺司僅檄府縣官捐俸備祭至是余亟請魏公復爲轉請邑紳士呈牒亦至余

文巡撫晉陵劉公并卽上謁面陳之公始咨諸禮
會通省編祭銀甫經酌定遽難額外添設部議遂格
蓋請祀至再三而尚同築室於道也越二年乙丑瀋
陽阿公撫晉巡邊至寧拜公祠下慨然久之余隨魏
公後爲歷陳從前請祀及劉公咨部事公爲首肯而
特疏於 朝旣得請乃歲取縣賦十金奉春秋祭永
爲例於是中堂奉公後寢合祀公夫人其同難九人
并得從兩廡以配焉考公死難在二月廿二日生辰
爲九月二十日屆期祠中陳牲醴設鼓吹郡守率縣

令人而主爵文武僚屬與祭駿奔肅然成禮其所以
報公忠者至是始無憾夫公之去今已遠且越異代
而崇祀之制始格終行蓋綱常名教之大 盛朝特
重務使捐軀殉國之臣俎豆不衰而後典禮修明來
歆來格精爽之式憑百世猶生也余經紀其事因得
詳崇祀本末而誌諸石見公之舍生取義雖積久而
光莫遏者其食報有自然之理矣

國朝張國正五寨新署記

五寨知縣

五寨舊鎮西衛左所堡也雍正三年衛改爲縣於是設官班制民心以一但官皆僑治而署猶未及建也戊申之春國正來令茲土下車時僦民屋數椽視事夫妻母子併屋而居環堵卑庠僅避風雨儕於編氓體亦少褻矣如是者一年己酉三月始奉檄建署乃求大木於山林覓工師於通都適本城西北隅舊爲官基詢於黃耆決之筮龜人謀鬼謀僉云其吉乃斬艾其荆榛填除其窪穢取土石市磚瓦弗曠日亦弗寧武府志

卷十二 藝文

五十四

厲民於是自正衙以至內宅居中表正而建者若干楹堂之左右書舍厨厩相輔翼而建者又若干楹繚以周墻庀材鳩工經營位置七越月而告竣雖官舍也而不敢鹵莽滅裂苟且一時以傳舍視之是役也上官給正賦金九百有奇予復飲之俸錢旣落而爲之記

五寨縣令秦雄褒蘆芽山賦

居坎位以設險羅諸峯以自強周圍若蘆之攢簇一
頂如鶻之翱翔躋青雲之杳杳蟠霄漢之茫茫自太
行起脉綿霍驤驤陡然卓峙雄踞朔方天柱迤爲南
岫管涔特起東岡天池寂寂汾水湯湯怪石參差奇

崖深崆擘開翠峽波流潭洞清漣紆餘神武浩湧

蘆芽

發清漣河神武川二水

虎嘯雲峯蛟蟠石甕豹奔馳熊羆環

拱層冰砲礮深巖巒聳寒光潑眼速如流永大風四
起巔崖森動萬竅怒吟百里震恐因茲勢險地寒居

寧武府志

卷十二

藝文

五十五

民鮮少室屋無幾岫藏山廟苔蘚生楹蛛絲滿奧鳥
獸遨遊月明孤照若其高昂佶屈巖走石飛遠望見
嶮嶮而眩目登陟躡巉巖而良腓莫由竟其險峭何
從盡其翠微固造化結撰之阻亦巨靈追鑿之奇巫
分先俞爲同聲之應清涼恒嶽爲同氣之枝雖大雅
未歌峻極左史未載配天而摩穹攀昊寔與山岳爭

先衛

神京而鞏固繫苞桑于萬年

秦雄褒天池記

樓煩僻處北邊地極苦寒而管涔山之天池眞天設之靈區也汾爲冀并巨川徧流晉境直至西南汾陰入河桑乾亦爲大川流繞雲中雁門二郡直達神京東入于海二水之源俱濬于是鍾秀毓竒不可限量池周五里水清若鏡泓渟澄靜臨池憩息氣凝心靜上與天游天地之氣翕能致闢靜能含動向使茲池洶湧浩瀚跳沫馳流行一二百里未必不竭安能灑漑無窮二三十里通流河海哉惟其靜而有常蓄之愈深流之愈遠經險百折而不回也履夷盛滿而不溢也君子於此可以觀德矣莊子云南溟者天池也言人心之靈廣大無垠上入穹蒼下闢黃壤初無底止故曰天池蓋取象也茲水爲二川之源湛然而深窅然而靜謂之天池奚曰不宜

秦雄褒周總戎守寧武關事畧

明崇正十七年李自成攻太原總戎周遇吉提兵往救至忻州賊已陷城而北矣遇吉迎其鋒鏑與戰數合斬首千級而賊來益衆遇吉恐其逕踰勾注急保代州復從間道出兵還其不意踣賊爪牙當時賊衆烏合蜂屯雲中北地將兵官皆逡巡袖手獨遇吉陷陳先登而代郡一城勢孤食少賊流迅速直趨西北寧武將有陷失之虞乃徙營寧武關四圍伏礮堅壁邊城賊果蝟至遇吉選兵營陳開門迎戰遇吉躍馬

寧武府志

卷十二

藝文

五十七

而前麾騎四面馳下擊殺賊數千人賊復冒圍遇吉聚騎夾攻復殺數千人伏礮發衆賊師死傷如積自成懼欲退軍侯曰我軍百倍於彼用十攻一不如復戰自成聚兵進數十萬衆圍城遇吉欲死戰時有監司將兵緋衣垂帶從容議曰將士塞門遇吉慷慨語曰君欲塞門扼敵而賊勢猖獗土塞不復潰耶如此則城衆俱死無爲也獨死遇吉乃可耳於是領兵獨出呼聲動天賊披靡殺賊驍將四人戰數合斬首復千級而官軍亦被創不復起賊怒盡其種類數重

攻城陷官軍潰遇吉子身獨戰徒手格殺數十八
亦重被十餘創徧體血流遂爲所縛賊怒其殺虜過
多也集衆射之衆矢叢集而死城中士民莫不悲傷
挺身死賊者甚衆其妻劉氏素嫻射藝及城破率婦
數人據山巔公廨每抽一矢曰必期死賊一發果殪
屢發皆然及矢盡縱火自焚

周景柱偏關廟學祀田碑記

偏關與老營堡之有廟學也皆始於明時然其置
有先後而當時之人所以各爲計者亦不同蓋老營
文廟設在萬歷中而偏關自孝宗 治二年已早立
庠序置弟子員其視老營則先且久者八十有餘年
其時監司陳公昌祚慮其後之或圯而不能治葺也
於是謀其永久買田塞下歲得穀一百二十有四石
俾存學中備脩整之需廟學由此歷二百五六十載
至今而不敝而老營當時顧未聞有是則其始之各
爲計者之不同固已如此自

國朝雍正三年并老營學於偏關於是二學爲一而廟
學之在老營堡者遂虛惟訓導一人留主祀事乾隆
八年當事者以爲廟祭重複復省其金而去之於是
老營春秋之禮廢矣嗟夫夫子之道萬世所師使廟
存而無祀屬在儒者亦孰不太息於其際然論者謂
方老營立廟時使楊彩桂天祥兩君能如陳公之賢
爲之深計久遠亦買田聚穀留諸世世以供祭祀則
固無廢於下亦何至有今日之嗟咨瞻望而徒此

紛紛爲哉乃益歎陳公之識過人甚遠功在廟學而偏關諸生得藉是以永保宮墻者皆公之遺也田凡三所曰水泉堡曰草垛堡曰滑石堡以塞下之地磽确易荒向之所謂一百二十有四石者今已漸減而每歲所入已僅止七十餘石然則以脩偏關之廟學吾日或慮其不給假令謂老營無祀欲更分此以供之是一尺之帛而爲兩囊之用一斗之粟而資百人

之食非獨事弗能濟將彼此而俱敝焉又有以知其必不可也方

國初順治十一年陳中丞清查邊租議裁偏關學田學廣文以狀白其不可中丞無以奪田得復留至康熙十九年復有欲去其田者賴司馬康公力言之憲府而保全至今夫以陳公買田於先康公復田於後其尊先師衛廟學勤勤之意若此然則偏關諸生所以保其田者當何如其田之穀唯偏關廟學得以用之而外此不得干取者又何如蓋是田爲偏關廟學之田而買自明 治中又最先且久也前時老營諸弟子員常欲分此穀以脩堡學祀享之缺雖於事夫子

道有爲而然願使其於立學先後與夫買田有無之始終一審思之吾知其必默然自止而不出此矣前守魏侯既率衆醵金使得供老營廟學之祭且令漸買田以永其後有碑樹焉而偏關諸生又謂予宜有文記學田由來庶杜爭端於異時予以老營惟無田故諸生乃爲是謀今行有田矣又孰向偏關而爭此穀哉且夫審取與崇禮讓儒者之節概也塞下諸生沐浴乎文治際

國家昇平百十餘年邈不知前代戎馬在郊之警惟俎

豆雍容日彬彬焉予方樂其風俗之淳而何過計之有然則是田其小焉者也

乾隆十五年歲在庚午首夏清和之晨

藝詩

周

庾信反命河朔始入武州

車初逐李定遠未隨班受詔祁連返申威疏勒還
飛蓬損腰帶秋鬢落容顏寄言舊相識知余生入關

隋

薛道衡從駕天池應詔

上聖家寰宇威畧振邊陲八維窮眺覽千里曳旌旗
駕黿臨碧海控驥踐瑤池曲浦騰烟霧深浪駭鯨螭

寧武府志

卷十二

藝文詩

一

唐

武元衡度東陁嶺

又過雁門北不勝南客悲三邊上巖見雙淚望鄉垂
暮角雲中戍殘陽天際旗更看飛白羽馬在封陲

宋

潘間蘆芽山

此地絕炎蒸猶疑到不能夜深如有兩寺靜若無僧
枕潤連雲石窻明照佛燈平生多賤骨寒逼恐難勝

金

元好問遊天池

天池一雨灑塵埃全晉堂堂四望開不上朝元峯北
頂眞成不到此山來

元

耶律楚材過武州贈僕散舍人

班姬流落到而今聞道翻身入道林歌扇舞裙忘舊
業藥鑪經卷伴新吟閒眠白晝三杯醉靜對青松一
曲琴更看他年棲隱處蓬山樓閣五雲深

耶律楚材和武州嚴亞之見寄

寧武府志

卷十二

藝文詩

一一

今年又得亞之詩每歎風雲遇會遲拙運且淹童子
役雄才宜作帝王師羨君筆下揮千字知子胸中蘊
六奇靜對西風和新句淒然南望動深思

明

季遐齡樓煩道中遇雨

盆傾白帝城邊雨河滾黃牛峽上流日暮征軺何處
是嵐雲隴雨正人愁

高叔嗣宿八角

嚴更金柝起杪歲玉關寒行侶時相問邊城進更

歸心惟日夜客鬢已星殘仰見中林羽投枝亦未安

李濂寧武關

邊庭無日不風沙白草黃雲萬里賒夜夜城頭聽鶯
策吹殘隴水又梅花

尹耕修邊謠

去年修邊君莫喜血作邊墻墻下水今年修邊君莫
憂石作邊墻墻上頭邊墻上頭多凍雀侵曉霜明星
漸落人生誰不念妻孥畏此營門雙畫角

楊芳春紅門市口

寧武府志

卷十二

藝文詩

三

聖皇御極九夷通宛馬年年獻帝宮尊俎自堪羈老
上烽烟無復照回中黃龍日度關山靜元兔霜橫碣
石空慚愧微臣無 報願將微詠效揚雄

楊巍春日偏頭關

落日關門外蒼茫自愴神河聲兼鼓角山色帶風塵
耕牧春無廢臺隍敵作鄰受降城不遠恢復定何人

崔鏞偏頭關

半壁孤城水一灣萬家烟火壯雄關黃河曲曲濤南
下紫塞重重障北環鐵節數聲催戍急玉沙千里

艱荒陬斗絕今如此未許將軍卽解顏

楊光遠紅門雪望

萬壑風烟大漠陰白沙霜草塞雲深樓臺自護層城
險冰雪應堅壯士心且喜欵關爭執玉因收駿馬始
捐金儒生追憶燕然事昭代和戎邁古今

楊光遠再登紅門市樓

邊城無日不飛霜極目關河塞草長雉堞巍巍通鳥
道烏亭矗矗限龍荒請纓誰繫賢王頸緩帶今誇上
將裝千載安邊多勝筭太平應不恃金湯

寧武府志

卷十二

藝文詩

四

國朝

魏象樞弔周總兵

大呼高帝出城闈三百年來此一身帳下投醪多戰
士軍前拔幟是孤臣裹尸不愧真男子擐甲曾聞有
婦人若使將軍猶未死彗芒那敢近中宸

汪可受蘆芽山

山勢天連地風光夏似春老僧修轉密古寺爲誰新
荷葉坪前客蓮花峯下人蘆芽有識者坐久欲相親
趙夢麟夏日蘆芽訪僧

蘆芽標勝蹟，峯嶺出層穹。
華霍登臨外，燕齊指
仙臺。凌日月，玉笋掛霓虹。
寶塔千尋起，靈源一派通。
長松巢翡翠，怪石臥羆熊。
幻色藍還紫，苔茵綠間紅。
朱樓青黛鎖，紺宇白雲叢。
碧洞尋高隱，丹崖遇遠公。
龍聽傳妙法，虎去悟真空。
入定天花雨，談經貝葉風。
安心渾脫惹，斷想是無聰。
陵谷猶歸盡，豪華總向終。
迷途今始覺，追往思無窮。

王繼祖蘆芽山

山高鳥絕跡，攀躋愧無能。
半嶺常逢雪，枯巖有定僧。

寧武府志

卷十二

藝文詩

五

松深塵不到，天近月爲燈。
閭苑於今在，鶴飛自可勝。

魏元樞道經鸞橋

山橋危巖下，桂礎劖雲足。
吹烟屋上來，縷縷與石觸。
人語谷傳聲，高下遠相續。
懽木蔭原田，盪漾層波綠。
驅車此中行，傲吏差不俗。
主伯偕亞旅，露耕朝旭
遙見饁餉人，歷歷沿溪曲。

魏元樞勸農西南鄉遂修養老故事

驅車西崦外，山村頗幽雅。
古木蔭流泉，人情更瀟洒。
童子俱歡迎，連鑣騎竹馬。
中有白翁台背出。

停車細問訊壽考各純嘏耄耄間期頤詩書雜弁
殷勲效乞言胸臆恣傾寫何計遍庇覆相將歸大廈
踟躕爲動容惠此高年者傾囊出其望分餉佐杯斝
小惠終勿周徘徊依松檟攬轡復登車夕照蔀屋下
魏元樞二馬營

西南七十里瞥見大邑聚烟火數百家簷牙面場圃
水綠繞塍畦山翠勢交互犁耰滿高田問說春雨足
牛羊嬉四野雞犬蔽深樹疑是桃花源豁然開朗路
憑車遙指點閒雲藏古戍白鳥浴沙灣驚飛入烟霧

寧武府志

卷十二

藝文詩

六

居人逆使君雜沓不知數停驂問疾苦一一到童孺
老弱紛稽首捫心問舉措何以答蒼生拙吏守樸素

魏元樞夜宿五寨

解袂臨高館風寒晚倍清窻虛人對月天靜夜無聲
劇有幽居興仍添世外情野雲依檻落似欲結同盟
魏元樞勸農回再過鸞橋諸村

看山了無盡畫圖任舒卷春烟入渺冥細流涉清淺
奇峯訝變怪馬首迎石轉雲歸幽逕滑斑駁歷苔蘚
陰晴不可測嵐光幻幽顯巖巔間綠紅太古

遠壑嘯長風高原陟絕巘正疑境逼仄空曠得平行
行行至關城雲烟戀冕

魏元樞查勘關隘遍歷大邊內外紀事

長城盡日此經行誰挽天河洗五兵磧外風高飛鳥
沒回中沙軟馬蹄輕烽烟已靖千秋色旌旆空懸萬
里情甌脫遍沾新雨露不妨縛袴到儒生
驅車千里出重關高捲雙旌過市闌豈有胡笳吹漢
月曾無牧馬到陰山連天阡陌新疇拓臥草牛羊野
性閒王化祇今敷海外何須亭堠出雲間

寧武府志

卷十二

藝文詩

七

陸剛謁周忠武墓

萬里烽烟接帝閭三關遺恨見忠魂勤王援絕孤臣
淚報國身慙聖主恩燄起樓臺昏日月鏑寒幕府傲
乾坤同仇氣並山河老絳節雲旗繞墓門

嚴遂成咏明史弔周總兵

人生練勇敢當於無事時安能如枯骨塚中端坐爲
起家射生手遇賊輒殺之三十爲大將備兵晉西陲
長河妨飛渡千里無援師吹唇遏北犯鼠磔梟熊罷
番進十攻一孤城纍卵危巷戰虎跳置高竿梃

血銜溫序劍魂颯曲端旗瘡痍賊駭伏鬼兵陰雲馳
公少頗質魯絳灌無文辭紈綺咸目笑人固未易知
艱危立功節廟祀遺民悲

余克長南峯臺

閨苑山通鹿苑西峯峯古剝隱前溪漣河北瀉千年
水錦帳東環萬仞梯虹映晚霞天路近雲回古澗塞
垣低遙看雨後晴川色紅杏香風送馬蹄

周其新夏日遊延慶寺喜芍藥盛開

蜂蝶尋香也自來遊人何事便應迴仙裙羽暈披金
寧武府志
卷十二
藝文詩
八
縷妃臉紅潮醉玉杯和夢欲迷無色界倚風知是有
情開洧濱持贈思年少遙憶朝雲在楚臺

周其新寧武郡齋夜宿聞恢河水聲

塞風吹雨冷瀟瀟山鎖孤城自寂寥一夜水聲何所
似錢塘秋半聽驚潮

周景柱弔周總兵

西來劇盜如怒虎可惜將軍死寧武長城旣崩國遂
亡遺恨一朝成萬古城頭鼓聲非不揚城下賊陣堅
如墻孤軍力盡一當百戰血暗沈金申光奮髯罵

更 齒那顧隻身 萬矢恨無長劔斬天狼獨有
魂報天子黑雲壓城白日摧血飛作雨哭若雷美人
虹長燭天起炎烟烈電相追隨百年事往氣猶凜鬼
馬 南山 嵯峨白艸如刀塞風緊

德保弔周總兵

督學使者

死節當年有公兼榦濟難一軍當代朔九鼎繫危安
報國心徒切嬰城力已殫崇關山下路過客淚應寒
殺氣騰千嶂將軍百戰場弓開驚霹靂劔拔殪封狼
壯志輕嶠侃同心乏許張從容就一死遺憾甚睢陽

寧武府志

卷十二

藝文詩

九

忠烈函天地名傳巾幗奇應弦賊已倒縱火死何辭
婢獲皆慷慨兒童肯喔咿汗顏諸鎮將若個解登陴
廟貌輝千古春秋祀典崇

聖朝彰大節賢守表孤忠

郡守遂安周西擎作廟碑

石馬嘶明月

靈旗漾碧空兩楹親拜奠弓劔起邊風

